

لساكي فاكراه

(أول مرة قابلتك فيها أول كلمه ناديت لك بيها

اول همسه وأول لمسه ايه معانيها)

لساكي فاكراهأيوه انا فاكراه

أول مره وثقت انا فيك سببت الدنيا بحالها وجيت لك

كنت أتمنى اسهر لياليك وأفضل طول العمر انا جنبك

كنت حياتي وكل ماليا كنت باحبك ايوه باحبك

انا مش ناكره شُفت انا فاكراه

شُفت حقارة نفسي بقربك

شُفت الكره ف عيني لنفسي لما يكون حلمي أفضل جنبك

وانت تقول لي آسف نفسي قُلت لي كلمه مش هانساها

طول العمر افضل فاكراها انت يابنتي مش بتحسي

رُحت انا شاكره لسه انا فاكراه

ياااااه لساكي فاكراه ؟ لاء يا حبيبتي داانتِ مذاكره

حافظه كلام من وهم خيالك مش فاهماه

أي كلام يخطر على بالك تيجي قايله

عارفه إن أنا وبكل مشاعري كنت باريدك

كنتِ القلب النابض ليا وكنت وريدك

كنت أتمنى تفضلي جنبى إيدي بإيدك

كنتِ الحزن الدافئ ف بردي

وكنت ف صيفك وسنين حرّك بابقى جليدك

كنت وكنت وكنت وكنت

كنت الماضي وحاضر بكره

وكنت مهاجره ولسه مهاجره لساكي فاكراه

.....

أمي

أمي يعني الإبتسامه ألف سكه ف ميت سلامه

تدعي ليا وحاسه بيا حتى من غير ماأجي ابوح